



INSTITUTO ESTATAL ELECTORAL  
CHIHUAHUA

# BAYELÍAME GÍTE MU A NOCHAMA ASAMBLEA MUNICIPAL GONÁ, INSTITUTO ESTATAL ELECTORAL NIRÚAME, JAWÁLIAME NIIMA RE JÍPE 2020-2021

Instituto Estatal Electoral Chihuahua goná nirúame a

Chihuahua, Chihuahua jípe rawé 21 mechá agosto 2020

## SINÉAME A BAYÉ

Mápi jéna'i Estado Chihuahua goná peréame jú gíte a jáwaame niima mápi regá Consejero Presidenti, Secretario ma, Consejero Electoral keré wéla Suplente munisipiochi, a belá usánisa makói kicháo municipio nirú tu jéna'i Chihuahua ko, 2020-2021 mi alichéma alé rúa jepiká ko a jáwaame niima re ba:

## JÉ IYÍRI NAMÚTI MU NÉWALE

### BACHABÉWALA. KÁMI GONÁ JAWAAME NÍNALE A'LÍ CHI KILÍ WILIMÉA ÉCHI GONÁ.

- a) Mápi Consejero Presidenti wéla Consejero Presidenti Asamblea niinale ba.  
b) Mápi Secretari Asamblea niinale ba.  
c) Mápi Consejeri Electoral de Asamblea niinale.

- d) Mápi Suplente niinale.  
Pe belá 2020-2021 mi anibóba alé chi kilí jáma wé mápi a échi goná regaachi nocháma ba.

### Okonánala. CHOTÁLIWAME A'LÍ CHI REGÁ NIIMA.

Ye ko belá nuláte Instituto Electoral Chihuahua, échi jú né walúala nulaame gíte a ajaré chó a nochásima échi goná munisipiochi, échi regá belá nuláte. Pe a 2020-2021

alichéma alé rúa jepiká jásima re ba. Échi niima o'seli neame mápu goná bitibásima re échi mi nochánalame.

### BIKIANÁNALA. PÍRI MU NÉWALE.

- A belá mu jéna'i México betéame niisa re, jéna'i a ochérame, tási biléana chó. Ayéna chó mu wé ga'lá a machisáre mujé niwala reréchi;
- Wé mu niwisa re mujé o'seliwala crerencial aneliwame, ke tási mu niwisa échi o'seli ko pe a Constancia Digital de identificación náti ga'lá niima;

- Wé mu má a osá makói bilé bamibaame niisa re ba;
- Ayéna chó mu wé ga'labé pagótame niisa re ba, tási bachárame asísá re mu;
- Wé bilépi a municipio goná mu betélisare má usáni mechá ka jónisa, wé mu pe nochali gitera ko má ke tási échi goná betéa atiachi a belá mu Insituto ruyéma alé ba;

- Tási biléana chó mu wiliame niisa re, má bikia bamibali ka jónisa;
- Tási bilé mu wiliame niisa re biléana partido Político aneliame, má bikia bamibali ka jónisa ba;
- Tási bíte mu rewésa bilé nochali federal wéla estatal wilibánala ba biléana Asambleachi;

- Tási bilé mu Servicio Profesional electoral Nacional nochame niisare má bilá bamibali ka jónisa, a'lí;
- Ayéna chó mu benésare échi curso, a'lí mu newásare échi suwába namúti mápu mu náripa re mápu Instituto Estatal Electoral newéle.



### NAÓNALA. O'SELÍ MÁPU MU NÉWALE.

- Échi solicitud má ikárika bochiwirame, échi goná chukúsare mujé niwala firma (o'seli bilé anexo).
- Bilé o'seli mápi goná animéa kámi regaachi mu nochale, échi ko a uchába re gíte a sinéame enéma (o'seli okwá anexo).
- A belá chó mu newáma bilé o'seli anime mápi suwába émi o'seli mápu mu nejá a né bichiwali a jú, muje niwala firma a chukúsare échi goná (o'seli bikia anexo).
- Bilé cho mu o'seli newáma mápi goná animéa mápi mu a narénele correo, chibi

- iyiri o'seli má mápi Instituto mi náwilima re (o'seli bikia anexo).
- A bilé chó mu o'seli newáma mápi anime a mu ka'tú suwába entrevista a gatewába biléanachi, ayéna chó retiráti mu buyániba re (o'seli naó anexo).
  - Bilé chó o'seli mu newáma, échi gona mu ucháma: muje rewalá, kámi regaachi mu beté, tiléjono, bilé correo, kámi mu nochale, kámi mu benéle, ácha mu má nochale munisipiochi, ácha mu machibúte bilé libiri, ácha mu wiliame niile, ácha mu nocha

- biléana comuniráchi (o'seli usáni).
- Bíte copia mujé acta nacimiento niwala, wé ga'lá newame niisa re (o'seli kicháo).
  - Bilé copia mujé niwala crerencial, okonálachi crerencial regaachi machibú échi copia, ke tási mu niwisa crerencial ko pe copia Constancia Identificación Digital a ga'lá niima chó (o'seli osá naó).
  - Bilé copia o'seli mápu goná chukú kámi beté, échi ko ju comprobante domicilio aneliwame (o'seli kimakói).
  - Bilé o'seli mu newéle mápi goná aní a mu

- má usáni mechá jónisa mu beté échi goná minisipiochi mápu goná mu nochánale (o'seli makói).
- Bilé o'seli chó mu newásare. Échi goná o'sagá chi olá municipiochi nochánale ba. A belá mu mujé niwala firma uchásare échi goná o'selichi chó (o'seli makói bilé).
  - Napusí mu má benélachi échi 'curso' aneliwame a belá mu ába re bilé o'seli anime mápi mu ma benéle, éhi o'seli bela mi ki tánima re Instituto Estatal Electoral ba (o'seli makói okwá).

Wé mujé crerencial ko pe ámi 2019 áirachi ko pe a mápu regá comprobante domicilio ka natéare chó. Nalí be mu pe biléana betéa atiachi ke tási góna mápi crerencialchi chukú a belá mu newéle échi o'seli mápu goná chukú kámi beté, échi ko ju comprobante domicilio aneliwame a'lí ayéna chó newéle o'seli mápi goná aní a mu má usáni mechá jónisa mu beté échi goná minisipiochi mápu goná mu nochánale (o'seli 9 a'lí 10).

Échi mápi o'seli anexo aneliwame ko pe a internetichi goná uchúwi ba. Bilé internetichi mápi Instituto niwala jú.

### MALÍNALA. CHI REGÁ NIIMA RE.

#### 1. O'SELÍ MÁPU GONÁ NÉ BACHABÉ BOIBÁMA RE.

##### a) internetichi ka jónisa ko.

Sinéame mápi jáwaame niinale aminá Asambleachi ko a'lí Ahumada, Aldama, Allende, Aquiles Serdán, Ascensión, Bachiniva, Bocoyana, Buenaventura, Camargo, Casas Grandes, Coronado, La Cruz, Cuauhtémoc, Chihuahua, Delicias, Dr. Belisario Domínguez, Galeana, Gómez Farías, Gran Morelos, Guadalupe, Guerrero, Hidalgo del Parral, Ignacio Zaragoza, Janos, Jiménez, Juárez, Julimes, López, Madera, Matachí, Matamoros, Meoqui, Namiquipa, Nonoava, Nuevo Casas Grandes, Ojinaga, Práxedes G. Guerrero, Riva Palacio, Rosales, San Francisco de Borja, San Francisco de Conchos, San Francisco del Oro, Santa Bárbara, Satevó, Saucillo, a'lí Valle de Zaragoza, perélisa ko a belá bachá internetichi bitibásare re, jéna'i: [www.ieechihuahua.org.mx/integracion\\_asambleas\\_2020](http://www.ieechihuahua.org.mx/integracion_asambleas_2020), 24 mechá agosto a'lí kuwanima 30 mechá septiembre 2020.

Ayéna chó suwába o'seli mápi abé rúru tu, a belá chó internetichi jónisa buyánasare, bochiwisare a'lí ámina [asambleamunicipal@ieechihuahua.org.mx](mailto:asambleamunicipal@ieechihuahua.org.mx) correo náwilima échi Instituto Electoral, pe 24 mechá agosto chotába re échi o'seli narea a'lí 30 mechá septiembre 2020 kuwanima.

Má suwába o'seli mu nijisa ko a belá mu ába re bilé folio ba, mujé niwalachi correo goná náwilipa mu re, échi goná chó mu náwilipa re bilé contraseña, échi belá mu tánípa re napusí mu má benéma échi curso aneliwame, échi

beneliwame ko abé a rúru tu taraatchi 2, malinala gónachi, mápi jéna'i Convocatoria goná.

##### b) wé mu Insituto ojisinachi simisá ko.

Sinéame mápi jáwaame niinale aminá Asambleachi ko a'lí miná Balleza, Batopilas de Manuel Gómez Morín, Carichí, Chinipas, Coyame del Sotol, Cusiuhuirachi, El Tule, Guachochi, Guadalupe y Calvo, Guazapares, Huejotitán, Maguarichi, Manuel Benavides, Morelos, Moris, Ocampo, Rosario, Santa Isabel, Temósachic, Urique a'lí Uruachi perélisa ko a'lí ke tási niwisa échi interneti aneliwame a belá simáma alé Chihuahua mi nejása suwába o'seli mápi táwa. 24 mechá agosto jónisa chotába re échi o'seli naréa a'lí aminá 30 mechá septiembre 2020 kuwaniba re, a mu siméa lúnisi, máritisi, nasipasigo, naolái yáanchi ma, be'á 9:00 a'lí alii ko 19:00 ériwa échi Instituto.

Wé mu a niwisa ko interneti pe échi goná jónisa a mu boibáma o'silichi.

Wé internetichi wéla mu ariká a Chihuahua simisá o'seli nejása a belá mu a ása re bilé oiseli anime mápu mu má suwába nejále a'lí ayéna chó mu ába re bilé folio. Échi o'seli mápu mu nejále ko pe a gatéwiga muchuwá, pe copia cho pi mu nijimare Instituto goná ko.

#### 2. BENELÍWAME 'CURSO' MATERIA ELECTORAL GÍTERA.

A belá chó mu benéma re échi Capacitacion Materia Electoral gítera ba, IEE belá newéle. Échi ko mu benémare 24 mechá agosto jónisa a'lí mu sunima 30 mechá agosto 2020.

a) Échi beneliwame ko pe internetichi bi niima re, échi regá belá nuláte Instituto ba, jéna'i ka jónisa mu bakiméa échi benésia: [www.ieechihuahua.org.mx/-integracion\\_asambleas\\_2020](http://www.ieechihuahua.org.mx/-integracion_asambleas_2020).

b) Jepuná suwába o'seli a belá sinéame a néala jú ba, sinéame mápi jáwaame niinale Asambleachi. Ayéna chó échi o'seli mápu mu newélema alé benéa atiachi curso, wikánana regaachi a nachutába re jepuná o'seli, presidencia goná, mápu centro comunitario aneliwa échi goná a sí' chó, 24 mechá agosto 2020 chotáma alé Instituto ye suwába o'seli nachuuta. Ayéna chó ye suwába o'seli ko pe a belá mu náwilipa correo mujé niwala goná. Échi curso mápi mu benéma re a belá chó niwimare wikabé náriwame ba. Échi ko belá mu a nejeýsare o'sagá ba a'lí mu ku Instituto náwilima. A belá mu je regá ku nejáma alé o'seli má sunirame ko:

La o el aspirante deberá remitir los cuestionarios contestados de cada módulo en cualquiera de las siguientes modalidades:

- Bilé mu municipiochi nochame mu áma, échi a mi ruwéma chi rikó;

- Internetichi ka jónisa mu náwilima ye correo goná, mápu regá PDF [asambleamunicipal@ieechihuahua.org.mx](mailto:asambleamunicipal@ieechihuahua.org.mx);

- Ojisinachi mápu goná Instituto wili.

Wé mu wé niwisa interneti ko pe échi goná jónisa a benéma alé ba.

#### 3. O'SELÍ ENÉBA ÁCHA BICHÍWALE KA.

A belá nirú bilé Comisión mápu a néma re suwába o'seli mápu Instituto narémare, wikabé belá niima mápi Consejero Presidenti niinale, Secretari, Consejeri Asamblea Municipal ma, échi goná Comisión goná nochame a belá enésima suwába o'seli ba.

Wé mu ke tási nejeýasa mápu rega mu nulá siima re Instituto a belá correo regaachi mi ruwéma alé ba, échi correo ko mu Solicitud goná ucháte tu.

#### 4. RA'ICHÁLIWAME A'LÍ O'SELÍ MUJÉ NIWALA.

A belá chó mu ra'ichama alé échi goná Institutochi nochame yúa ba, je regá belá niima re:

- Ra'icháliwame. Pe belá internetichi regá mu ra'ichipare ba, aminá 12 mechá octubre chotáma a'lí aminá 7 mechá septiembre 2020 kuwanima re. Pe mujé niwala folio inéga mu i'kiima re chi rikó mu ra'ichipa a'lí chi yéni ko chó, ayéna chó muje correo goná a naréma re kámi regaachi niima ré ra'icháliwame ba.

Mápi re mu pe aminá municipiochi la sierra mi nirúame betélisa ko a belá mu je regá ra'ichama alé Instituto nochame yúa ba:

- A belá mu siméa aminá Chihuahua, 12 mechá octubre chotáma re échi ra'icháliwame a'lí aminá 7 mechá septiembre 2020 kuwanima re; lúnisi, máritisi, nasipasigo, naolái yáanchi ma a nocháliwa écho goná ko, pe be'á 9:00 a'lí alii ko 19:00 kuwanima nocha échi goná. Échi goná a mu tanéwipa computadora gíte mu ra'icháma ba.

- A belá mu siméa aminá Chihuahua, internetichi a uchába re chi riko mu ra'icháma échi goná nochame yúa.

- O'seli mujé niwala. A belá échi góna Instituto goná nochame a enémare mujé niwala o'seli mápu goná mu o'sate kámi regaachi mu nochale, benéle má.

#### 5. NAPUSÍ MU RUWÉPA ÁCHA MU MÁ NOCHÁSIMA MUNISIPIOCHI.

Instituto goná nochame a mi ruwéma ácha mu Asamblea Municipal goná nochama re, échi ko aminá 01 mechá diciembre 2020 i'kiima re.

Mujé rewalá belá Periódico Oficial Estado Chihuahua nirúame gona uchába re, échi rega mu i'kiima ácha mu má nochásima, ayéna chó página internetichi chukuméa re chó.

### USÁNILA. MÁ CHOTÁMA ASAMBLEA MUNICIPAL NOCHA.

Mápi Consejeras a'lí Consejeros Presidenti, Secretari a'lí Consejero Municipal mápi má échi regá a jawárame niima Instituto gítera, a bela del 01 de diciembre de 2020 ka jónisa chotáma re nocha ba.

Ayéna chó mápi kulí mo'iméa re Asamblea Municipal goná 14 mechá diciembre chotáma re nocha a'lí aminá 21 mechá diciembre 2020 má ikáriga buyáma mápi má ke tási échi goná nocháma re.

### OSÁ NAÓNALA. MUJÉ O'SELÍWAMA TIBÚAME.

Suwába o'seli mápi mujé nejáma re ko, a belá Ley General Protección de Datos Personales, Ley de Protección de Datos Personales Estado nirúame a'lí Aviso de Privacidad tibúa oláma re, échi suwába Ley página Internet Instituto

niwalachi a uchúama re ko, tási wési belá chigósare mujé niwala o'seli ba.

### KICHÁONALA. NÁWILIWAME.

Suwába namúti mápu mu machisá re ko, jéna'i jónisa sírame niima re [www.ieechihuahua.org.mx/integracion\\_asambleas\\_2020](http://www.ieechihuahua.org.mx/integracion_asambleas_2020), nalí ajaré namúti ko pe ke tási

internetichi niima re ko, ajaré chó ko pe correo regachi mu náwilipa re ba, bilé correo mu narésa ko a belá mu nejeýsare mápu mu má a naréliba.

### KIMAKÓINALA. NÁRIWAME.



Wé ajaré namúti ke tási ga'lá mu námilachi ko pe a nárisare mu Comisión, mápi Instituto goná nirú, échi a wé mi kuirisare ba.



## KÁMI REGAACHI WILÍ INSTITUTO ELECTORAL CHIHUAHUA NIRÚAME:

Jéna'i wili échi Instituto:  
Av. División del Norte, No. 2104, Col. Altavista, C.P. 31200, Chihuahua, Chih.

Mápu goná a ra'icháma:  
teléjono: 614-432-19-80, extensiones 2023, 2072, 2075, 2040, 2060.

Página internet nirúame:  
[www.ieechihuahua.org.mx](http://www.ieechihuahua.org.mx)